



c-opt

- Montclair here -

c 27/48





1691

22.^e Part. in 12.

LA

DEFFAICTE

DES TROVPPES

DV SIEVR DE MONT-

Chrestien, leuées en Norman-

die, contre le service du Roy.

*Sa mort, Et tout ce qui s'est passé
en la poursuite & execution
des Rebelles; Par les gens de
Monsieur de Matignon.*



A PARIS,

Chez Abraham Saugrain.

M. DC. XXI.

Avec Permission.

1901

CASE

F

39

326

162/de

THE NEWBERRY
LIBRARY

1911
XX
1911



LA DEFFAICTE DES
Troupes du sieur de Mont-
Chretien, leuées en Normandie
contre le seruice du Roy.

MONT-CHRETIEN
 estoit vn homme
 lettré & de plume
 plus que d'armes &
 de main, de sa premiere condi-
 tion il estoit Catholique, ainsi
 que l'on assure; Et du depuis
 ayant espouzé vne Dame de la
 Religio Pretenduë Reformée,
 changea aussi de religion pour
 ne perdre l'occasion d'un si
 auantageux party: neantmoins,
 cela n'empelcha pas que sa for-

l'une ne fust auffi tost cōbatuë
d'enuie & d'ennemis, quiluy
fufciterent des querelles pour
lesquelles maintenir & se def-
fendre, jetta dans les Cōpagnies
les plus factieuses & determi-
nées, qui l'ont finalement perdu,
voyla ce que l'on remarque de
ce personnage.

Dernieremēt il fut l'un de ceux
qui se jetterent dās le Chasteau
de Sully, avec resolution de te-
nir bon là dedans pour incom-
moder le passage, & tenir la na-
uigation fufpecte fur la riuiera
de Loire du costé de Berry &
Sologne.

Monfieur le Prince de Condé
ayant reduit la ville de Sully en
l'obeyffance du Roy; dresse ses
batteries contre le Chasteau, il

le force & contrainct la Garni-
son de se rendre, notamment
ledit Mont Chrestien qui estoit
dedans est forcé d'en sortir &
battre la retraicte, au mois de
Iuin dernier, pendant que sa
Majesté assiegeoit la ville de S.
Iean d'Angely.

Il c'est donc jetté finalement
en Normandie, & à Comman-
cé de se mesler à bon escient
avec ceux qui auoiér le plus d'é-
uie de remuer & de pescher,
comme l'on dit, en eau trouble,
il se trouue au temps que cer-
taines Commissions se distribu-
oient pour leur gens de guerre
au prejudice du seruice du Roy
& repos de son Estat, & parti-
culierement du pais de Nor-
mandie, quelques nombres des-

dictes Cōmissions tōbent entr e
 ses mains, comme estant reco-
 gneu homme de factiō & tout
 tel qu'il le faut, pour vne telle
 illicite entreprise, soubz ce pou-
 uoir il gaigne quelques vns à fa-
 faction, desbauche vn bon nō-
 bre de jeunesse des notables fa-
 milles des villes de Damfront &
 d'Alençon & autres lieux de la
 basse Normandie, & s'estant as-
 socié de plusieurs mauuais gar-
 niemens comme luy, tiennent
 des forests & la Campagne &
 mettent presque toute la Prou-
 uince en allarme.

Les plaintes de ces leuées vien-
 nent à la cognoissance de Mon-
 sieur le Duc de Longueuille
 Gouverneur de Normandie,
 qui projetta aussi tost l'ordre

qu'il failloit tenir pour dissiper toutes ces leuées, voit que le trouble se respond particulièrement au delà de Falaise proche d'Alençon, Damfront, le Pont, & en basse Normandie. C'est pourquoy il mande à Monsieur de Matignon qu'il tienne la main a faire assembler toute la Noblesse du païs & faire monter promptement à Cheual les Preuost Archers & autres Compagnies armées pour poursuyure lesdictes leuées & aller au deuant des desseins de Mont-Chrestien.

Pour l'expédiōti de cette affaire il ne se trouue homme plus propre pour entreprendre ceste expedition qu'un jeune Gentilhomme & Capitaine nommé

Turgor, il se presente au deuoir
 & promettement s'acquitter
 de la charge qu'il y demeurera,
 disoit il, où le Roy seroit seruy
 obey & respecté: On luy don-
 ne quelque nombre de Che-
 uaux tous bons Compagnons
 en nōbre de quelque cens trois
 Cheuaux, il s'approche du lieux
 ou il a aduis que ledit Mont-
 Chrestien faisoit ses courses &
 ses degasts avec les forces qu'il
 auoit en main. Il ny a eu endroit
 dans les bois & forests, ny carrie-
 res des enuirons de Damfront
 Alençon & autres lieux voisins
 qu'ils n'ayent decouverts, Cha-
 steau qu'ils n'ayent fouillé, ny
 maison forte qu'ils n'ayent visi-
 tées iusques aux caues por cher-
 cher le giste des Rebelles.

Finale.

Finalement ayant poursuiuy
 ledit Mont-Chrestien, & l'a-
 yant espié loge à l'escart des
 siens dans vn petit hameau
 en vne hostellerie avec dix de
 ses plus determinez associez,
 le sieur Turgot l'y attaqua, &
 apres que Mont-Chrestien
 se fust quelque temps deffen-
 du, & tuë de sa main deux sol-
 dats, ne voulant se rendre,
 Turgot luy porta vn coup de
 pistolet en la teste & le tuë, &
 les dix autres surpris, fors vn
 ou deux qui s'euaderent par
 vne fenestre de derriere.

Ceux-cy enquis sur les des-
 seins de Mont-Chrestien de-
 clarent force choses encloses
 dans vn long procez verbal

qui a esté enuoyé, donnent
aduis du rendez-vous d'au-
tres troupes de ceste fa-
ction, nommément les plus
apparens par noms & sur-
noms, & de la sont amenez
dans Alençon, où la pluspart
ont esté pendus, excepté trois
qu'on dit auoir esté menez à
Rouën.

Sans perdre temps Tur-
got & les Preuosts cherchent
le reste, pendent tout ce
qu'ils en trouuent aux bran-
ches des arbres, & ont esté
emprisonnez quelques vns
desquels on ne fera aucune
execution que le Roy n'ayt
enuoyé sa volonté, sur ce on
a sceu que Mon. Chrestien

estoit chargé de plusieurs
Commissions pour faire des
troupes en Normandie,
dont iceluy fut trouué saisi,
comme aussi quelques autres
de la suite, qui ont esté enuo-
yez au Parlement de Rouën,
avec tout le secret de leur
dessein, & le roolle d'un bon
nombre de ieunesse des meil-
leures familles d'Alençon,
Damfront, le Pont & d'ail-
leurs, montant à plus de cinq
cens hommes enrrollez, dont
la pluspart tenoient ja la
Campagne, & les autres du
depuis s'en sont fuys : crain-
te d'estre apprehendez, les-
quels augmentans en nom-
bre d'autres garniments euf-

sent bien trauaillé ceste Province, si les Gouverneurs ny eussent apporté la diligence requise.

De sorte que ce n'a point esté faite de diligence que l'on n'ait preueu & preuenu lesdites leues, que Dieu mercy & le loing de Messieurs le Duc de Longueuille & de Matignon, n'ont sceu picorer ny faire progrez tel qu'ils eussent bien voulu. Les gardes bonnes & seures ont esté recommandées par toutes les places de consideration & autres.

Et est à remarquer que ces prodigues commencerent en Normandie tost apres ce

5
qui arriua à Paris, dont Monsieur le Duc de Montbason, non content d'auoir exposé sa personne au milieu des hazards, pour monstrier combien il a de passion pour le seruice du Roy & repos de ses subiets, en donna aduis par lettres à Monsieur le premier President de Roüen, laissant à sa prudence de veiller à la conseruation de la paix, & repos de tous les suiets du Roy qui sont en icelle grande Province, l'un des plus beaux membres du Royaume, & des plus affectionnez à sa Maiesté.

FIN.

PERMISSION.

IL est permis à Abraham Sau-
grain Libraire à Paris, faire Im-
primer vn petit liure intitulé : *La*
deffaiëte des troupes de Mont-Chre-
stien , leuees en Normandie contre le
seruice du Roy, sa mort & tout ce qui
c'est passé en la poursuite & exemption
des rebelles, par les gens de Monsieur de
Matignon. Et deffences à tous Li-
braires, Imprimeurs, Colporteurs
& autres de l'Imprimerie, ny ven-
dre d'autre Impression, à peine de
confiscation & de cinquante liures
d'amende. Fait à Paris le 2. Nouem-
bre 1621.

FIN



